

Nan, ne eller ket niveri
 Ar re zo dleourien d'ezhi,
 Euz ho iec'het, euz ho danve,
 Hag ouспен c'hoas, euz ho bue,
 Nag a vurzudou, christenien,
 (Ne al ket an den ho c'hompren)
 E deus gret ar Verc'hez Vari,
 E lec'h-se ken caret ganthi!
 D'ar zul kenta a vis Gouere,
 Gand ar brassa solanite,
 E ve gret ato ar pardon
 E Confors gant devotion.
 Daoulinet neuze dirazhi,
 Oh! pedomp, pedomp anezhi
 Da gaout sonch a'hanomp ato,
 Dreist pep tra en heur hor maro.

PEDEN.

Guerc'hez Vari, hor Mam dener,
 Ni a zeu da dreid oc'h aoter,
 Evit pedi ho madelez
 Da gaout ouzomp bepret truez.
 Pa zoc'h refuch ar bec'herien,
 Plijet ganeoc'h deomp-ni obten
 Digant Jesus, hor guir Aotrou,
 Pardon euz hen oll bec'hejou.
 Epad ma vimp var an douar
 En draonien-man leun a c'hlac'har,
 Grit ma vezimp dezan fidel,
 A deoc'h ive beteg mervel.
 O Itron-Varia Confors;
 Hor c'honduit va ñon d'ar pors
 Euz an eürusdet eternal,
 Da velet an Dreindet Santel.

IMPRIMATUR :

Corisopiti, die 18 Junii 1867.

EVARD, vic. gén.

Quimper, typ. Kerangal.

GUERS

EN ENOR D'AN ITRON VARIA CONFORS

Ton : *Me ho salud stereden vor...*

Pe : *Jesu, dulcis memoria....*

Meylaris, bezit leun a joa,
 Da gaout eur Chapel ar gaera,
 E peleac'h 'nem blij ar Verc'hes,
 O tiskuez e oll madelez.

Ia, er Chapel-se benniguet,
 A zo kement darempredet,
 E Confors, guir Vam hor Zalver,
 A scuil e graçon hep niver.

Eno biskoas den na bedas
 A greis calon, gant fizians vras,
 Anez beza bet silaouet
 Gant Rouanez an oll Ælet.


Ar vam-se ken douç a ker mad
 A ro d'ann oll diguemer vad :
 D'an den just ar berseverañ
 A d'ar pec'her an esperañ.

Obten a ra digant Doue
 Iec'het d'ar c'horf a d'ann ene,
 Hag e lec'h an dristidiguez
 E tigas laouenediguez.

Dirag Doue oll galloudec,
 D'ar re vud e ro ar prezec,
 D'ar re zo bouzar ar c'hlevet,
 Couls a d'ar re zall ar gullet.

Ar re gam, ar re mac'hagnet,
 Goude beza Mari pedet,
 A zistro leun a joa d'ar guer,
 Eb caout mui ezom a vizyer.

Christenien eta, me ho pet,
 Mar claskit ar guir eürusted,
 Deut oll gant joa da gaout Mari,
 Evit goull sicour diganti.



Tadou ha mammou, c'hui pere
A hirvoud marteze bemde
Var eur verc'h, var eur mab diroll,
Dre ma zint goal skuer 'vit an oll.

Gouestlit anezo gant fizianç
D'an hini zo hon esperanç,
Hi eo ar feunteun a vue
Hag a zilvidigez ive.

Hag e dorn leun a drugare
A zigasso ho pugale
Var an hent mad o deus collet,
Siouas d'ezo ! dre ar pec'het.

A c'hui pere zo er bed-man
Abandonet gant peb-unan,
Collet ganeoc'h ho tad, ho mam,
En eun oad c'hoas iaouankie flam.

Deut c'hui dreist oll emzivadet
Da dreid e aoter benniguet,
D'he fidi stard, pa zeo ker mad,
Da guemer trues euz ho stad.

Hag ar Vam-ze, leun a zousder,
Ho sicouro e peb amzer,
Mari bepred ho *conforto*,
A dious pep anken ho miro.

Tud iaouank m'ar fell deoc'h ive
Kenderc'hel e servich Doue,
O pratica ar vertuziou
Hag o tec'het dious ar viçou.

Savit ato ho taoulagad,
Etrezec ho Patronez vad,
A Guerc'hez an oll guerc'hezet,
Ho tivoallo dious ar pec'het.

Diredit ive, pec'herien,
Da gaout Mam an oll gristenien,
E divrec'h a zo digoret
Pell zo 'vit ho tiguemeret.

Oh ! pedit-hi a vir galon,
Hag o pezo graç a pardon :
Morse Jesus n'eus retuset,
Netra d'he Vam muia caret.

C'hui, Guerc'hez, zo eur bleinourez,
En hent euz ar zilvidiguez,
C'hui a ro ners e pep mare
D'ar beachour skuis o vale.

Var ar mor, a var an douar,
E creis an drubuil, ar glac'har,
Mari e peb lec'h a zifen
Ato e guir zervicherien.

An Itron-Varia Gonfors,
A zigas dizanjer d'ar pors
Ar martolod paour trubuillet
E creis ar mor bras counnaret.

Soudardet christen Breiz-Izel,
Ebarz en tan euz ar brezel,
Ho deus bet santet alies
An effet eus e madeles.

Rac-ze pa zistroont d'ho bro,
Goude m'int bet trec'h d'ar maro,
Ho gueler o tont a vanden
Ha gantho peb a c'houlouen.

Da drugarekaat assambles,
Mari, ho madoberoures,
Da veza bet ho divouallet
Pa voant e riscl beza lazet.

Pet guech ne deus ket c'hoas mouguet !
Mari an tan goall fuloret !
Ato Mari a ro remed
Evit pep drouc, e pep elenvet.

Mari deus ive dilivret
Cals a vroaguez a voa poaniet,
Hag obtenet digant Doue
Ar vadiziant d'ho bugale.